

小倉山房文集

小倉山房文集卷十一

錢唐袁枚子才

沈研圃太守送行詩序

士大夫之賢在官見不如其去官見何也在官見賢違道干譽者優爲之去官見賢則味得于固而其真乃彰然官有不得不去者有可以去可以無去者不得不去者或遷或黜或以篤老辭人雖思其賢而明知其勢不能留則望絕若可以去可以無去者其過甚微其迹甚公其不當律令處亦甚小人未免思其賢而望其留及至竟去竟不能留而望之之心猶眷然其未絕絕與不絕送者心也與去者無與也雖然使其去官之故誠過

也。過雖微，其賢自在，原不必因其賢而爲之諱。若其所
以去官之故，非過也，卽賢也，則不特其在官之時賢不
可沒，去官之後賢不可忘，而卽其所以去官之故，亦當
爲之白其賢於天下。今夫誣告者加等，越訴者笞，此令
甲也。憲以示民者，古人象魏之義，然越訴之憲，宜於督
於撫，於監司於太守，而何以憲於縣之庭，蓋一邑中有
里老有尉，有主簿，有丞，而後有令，訴者宜先之。里老之
尉之主簿之丞，而後之令，此古人立法意也。令體且然，
其上焉者可知。左氏曰：侵官犯也，管官罪也。今之人，侵
之管之，而自以爲功，則何不并奪職而廢之，故曰爲政
難知政體尤難。太守沈初圃先生爲民訴不理，繼級去。

夫民訴理之宜也。縣牒未至而侵冒之非政體也。然以爲過則亦無辭。先生治江寧六年。民熙熙然不知有先生。及先生去。幼者啼。老者泣。卹然若有所亡。嚙上之設官。所以爲民也。然往往去留之故。多矯拂于民心。而爲之民者。必號于上而爭之。曰。若宜留。若宜去。民之權無能爲也。倘上之人。又必強其民而脅之。曰。若雖留而汝勿許。詛也。若雖去而汝勿許。思也。則上之權亦無能爲也。審夫上下交相勝之故。而先生不能已于行矣。民不能已于送矣。邗之人歌詩代餞。而屬枚先焉。其詞曰。

我有亡友。號程啓生。先生敬之。爲其窮經。我有弟子。厥名陶湘。先生延之。與論文章。兩生窮士。顯者所棄。先生

不然曰我之事惟古太守興氓育才今無其構敢無其
懷抱此區區施于有政難告上官可告孔孟漢守吳公
治行第一祇薦賈生他事沒沒又有文翁循吏居首考
其本傳一事無有但聞入學釋菜奠酒古人往矣存此
高風先生來矣心與古同一朝命駕民送于野或鏗其
車或繫其馬有酒盈尊有淚盈把謂余不信請聽歌者

女弟盈書閣遺稿序

庚寅夏五女弟秋卿以婉難亡于汪氏兩家以爲大戚。凡妯姆餘須扈養輩亦俱走位哭三曲而俟蓋其居恒制行字而敬德而度有以乎人之深也。逾年妹婿楷亭屬序其詩余不禁系歎洎涕而爲墨其前行曰嗚呼吾忍序吾妹也夫吾忍不序吾妹也夫妹爲叔父健磐公第四女生長粵西余歸叔喪于杭始見妹妹莊妹情態從禮而靜心雅憐之不知其能詩也居亡何讀中秋七夕等作愛其清絕色然而駭亟餉一釵以勸誌之妹竊喜自負益奮從此以詩名噪于時旣婚汪氏得尊章權恩前室孤如實出已治家循整廢畜備縱罔或勿備暇

則。吟。唔。聲。與。鍼。衽。間。作。汪。故。巨。族。人。繁。而。鬻。聞。妹。賢。且。
才。爭。來。窺。觀。或。寄。卷。冊。巧。題。或。呈。所。作。唱。喝。削。改。妹。
推。奩。具。坐。肆。意。酬。答。藻。思。空。湧。靡。不。領。願。伏。歎。有。林。下。
風。余。過。揚。州。視。妹。妹。事。余。謹。甚。一。浣。濯。一。膏。展。必。躬。辦。
治。知。余。嗜。淖。糜。雖。滿。盞。歸。霜。燈。熒。熒。猶。蘊。火。盒。孟。以。俟。
探。刺。余。少。休。輒。刻。刻。起。屢。捧。艸。稿。出。拭。几。磨。墨。朕。余。而。
笑。余。戲。曰。女。弟。子。又。索。診。詩。耶。應。聲。曰。阿。兄。之。聰。也。嗚。
呼。此。情。此。景。曾。幾。何。時。而。今。不。可。再。矣。妹。詩。淵。雅。志。潔。
而。情。深。縝。乎。其。猶。模。繡。也。因。念。遂。古。來。哲。人。偉。士。得。一。
卷。書。傳。後。死。猶。不。死。妹。雖。一。女。子。雖。死。有。可。傳。者。存。夫。
復。何。怖。獨。是。余。年。肩。大。董。妹。年。纔。三。十。八。拜。例。以。曹。大。

家爲孟堅續史故事妹當序余余不當序妹乃忽反其局以相將天道茫昧一至于此嗚呼命矣夫

送上元藍令牧邳州詩序

吏科給事中方毓川來言曰制軍鄂公其有道者歟攝篆未及稔劾池守王擢上元令藍其於舉錯也當余聞之始知藍君之遷於邳也夫出處士之大端也世有寢兕持虎望之威如而居前居後無足輕軒者比比也有人焉能使人卽其出處以下其薦之者之賢否則其人之賢否可知也已乾隆十六年

天子南巡南之吏借供張名培克自私藍君獨不然藁秣甘藟非不取之農也必償其直酒湑甕祇非不役夫工也必酬其傭幣純四狶非不貸之紳士也必量其家當是時賦者趨者翕翕熱者耀其能於上者僉拙君之

所爲不一年襍徭畢。乘輿旋民相與迷於道官相與
議於廷今之所謂賢否者非昔之所謂賢否也且夫藍
君亦豈違人情弛王事徒煦煦焉好聲矜賢而已哉不
過體。聖天子恭儉慈惠之意力用公正先天下而無
所於私也夫當野雜燎原時而獨施一障以相蔭民跂
跂然趨之者自往而不可休此亦情事之易知者也然
使知之者多而能之者又多則藍君不拙於前而賢於
今矣下邳土瘠而隣河流亡者頗脫不止鄂公以君薦
知君能登下其數藹藹必有以懷柔之也雖然上
山者業已高矣然左右視而巍巍者尚在其前則進而
上之無已焉夫人發一言善行一事正則必有善與正

之。色。應。面。而。至。此。無。他。未。能。忘。已。故。也。士。君。子。必。能。忘。
其。異。乎。人。之。已。而。後。能。存。其。同。乎。人。之。色。記。稱。禮。有。損。
詔。樂。有。相。步。溫。之。至。也。易。稱。君。子。獨。立。不。懼。而。仍。藉。用。
白。茅。柔。之。至。也。逸。矣。藍。君。行。之。哉。勗。之。哉。邦。之。人。所。不。
能。已。于。君。者。請。爲。歌。詩。書。於。吾。言。之。後。

龔旭開詩序

作詩如鼓琴然心虛則聲和心窒則聲滯未有斬拳膠目佻佻自賢而能學詩者也吾雅遊龔子旭開有年其人倣然而靜禁綬其纓行于途望之者皆知爲詩人余論詩稍苛而于所交好者爲尤苛以故旭開詩爲汰其七八意方疑旭開之以不聽聽之也亡何旭開端書兩卷來凡余所未取者盡棄之或取而有所商榷者盡易之嗟乎今學者畧識偏旁解韻語便築堅城而自固者比比也旭開于詩深造有年獨能從吾言如轉圜然則吾言之是非余亦未敢深信而旭開宅心之虛美哉淵乎未可量也其詩如琴之和也固宜旭開不專名一家

而布格選調不落唐以後余按周禮調樂以鐘磬為主
作鐘磬必先依律調之然後施于廂懸諸音皆受鐘磬
之均所謂聲應律也至于享宴殿堂無廂懸卽以笛爲
鐘磬。旭。閒。能。以。唐。詩。爲。鐘。磬。爲。笛。爲。均。其。于。鼓。吹。休。明。
也。尚。矣。因。其。付。梓。爲。序。而。先。焉。使。世。之。人。知。旭。閒。之。心。
而。后。讀。旭。閒。之。詩。

送劉廣文入都序

學之士三年而大比學之官六年而秩滿士之舉于大
比者百有一二焉官之舉于秩滿者百無一二焉夫官
士爲之也爲士而舉易爲官而舉難是何也則獨不見
夫學中之士乎翩然蔚然濟濟然雖堙沉而俚者亦各
挾策而思上臻其學中之官則黻然頽然窮窮然雖梟
俊而銳者亦久于其中而莫克矜奮所以然者國家用
人如倉庾氏之登穀也其美者以供帝之粢盛其次焉
者以餼百官養兵而其紅朽而將腐者則又念其本五
穀也不忍棄之則姑置之于陳陳相因不甚辜樵之所
學官亦然無權無勢無財而又無所督過故其氣易衰

于是世之人見公卿中岳牧守令中有拜起舒遲者喘
而言牖而動者爭圭撮之利而徵于顏者必相詆媿曰
是何其類學官歟于學官中見有稽稽盛服者儻儻利
走趨者齒牙鏗鏘能識時務而不泥于古者必震而驚
之曰是奚不爲公卿岳牧守令歟嘻學之官所以教天
下之爲公卿岳牧守令也而世之人尊彼而絀此乃至
于是則官之流弊使然也雖然于無人之地而求其有
也難于無人之地而欲掩其有也又難陳奇寶于廟堂
人皆曰宜則亦過而忘之矣若置之卑辱與潔之所雖
鄉曲僕夫亦必代爲傷屯悼屈而動色相顧此又物理
之自然而不闕乎其遇不遇也農坡劉君官上元學六

年予疑其人浮于官將必速飛今年二月果舉最爲縣令而江南北之任是職者凡百數十人皆莫與焉邦之人爭爲君榮不知不足以榮君也何也君固公卿收伯才也匪止一縣令也惟其一紆折于學官間而人乃適適然驚然則是舉也非君之榮乃學官之榮也且夫物之能雄其曹者非止一隅一所而已也既能雄乎學官之曹之上必能雄乎邑宰之曹之上君之此行也其無所不雄又可知也然而黃老家言固有以捨爲取以退爲進者吾願君自今以往聽其身之曰上而心不與焉是則朋友贈言之義而已

東臯詩存序

乾隆庚辰予過東臯邑侯何西舫數稱汪生楚白之才
予心識之而以遽治裝故不獲相訪今六稔矣弟子秦
云亭來手一編曰此汪君所選東臯詩存也汪君死遺
命呈先生且索序且付梓嚙汪君此選將以存東臯詩
耶然汪君存則東臯詩因汪君而存汪君不存則汪君
之名又將藉東臯詩存而存其序與梓也誠不宜緩也
何休曰古者婦人五十無子擇其辨獲伉健者使居民
間采詩故幽隱必達今其法已亡雖有鈞韶異音聽者
一過蕩爲飄風無人焉彙而存之詩寧能自存耶汪君
慨然做宛雅故事輯而存之篤矣乎仁者之情亦居東

臯者之幸也。惜剖劓未已。賁志以歿。而余又相稽于邈。迨不獲一交。臂共拚。羣雅殊。賺人意。然亦豈料汪君于委化時。不瞥亂。不顧妻。子悲泣。而轉以鄙人之弁語爲拳拳。方知韓仲卿。稱曹子建。夢中求序定。非誕語。而汪君之。于是集果如是之不苟。然也宜表而出之。使後人知之。

裴中丞退思圖序

古名臣未有不抱出世之心而能有高世之功者也昔人稱謝傳功高百辟心在一邱猶云晉人風味若唐太師裴晉公則寒寒王臣以身繫天下安危乃園居綠野物外自娛此其心豈真耽江湖忘魏闕哉蓋亦守不以寵利居成功之戒而且以爲進思盡忠退思補過者大臣事也倘進之日多退之日少則宜其忠不足而過有餘矣退而靜思非深山邃林其奚居焉裴二知先生開府皖江畫科頭小像雅跼松石間兩僮抱琴一兒子執書侍其旁叠障重岩綿亘莽蒼觀先生圖知先生不愧晉公之裔也今夫鳳皇儀于虞廷騏驎駕于殷輅夫豈

不際隆翠聖爲世禎祥哉然其心未嘗不樂烟霄而思
山野也惟其能有是心故不繫不蹶而用乃益神先生
以此意托之于畫若有所慕而未遂者然不知身之所
居者迹也心之所存者神也神之所存迹不足以拘之
古之人有履朱門若蓬戶者有視伊呂若篋庫者先生
于道大行時而能遐思物外不以勛業自矜此其胸中
早已滌萬物而籠千古矣然則牙旗羽葆皆可作清泉
白石觀也呵噉引噉皆可作松風水竹聽也縱
天子爲蒼生故不肯以此境賜先生而先生心中之清
夷又何嘗終日不在畫中耶若夫知足不辱知止不殆
之語則未免猶有己之見存而未足爲先生誦也畫之

前未題額畫之中未題詩先生不異他人先以扇收先
生之意以山水付山人猶之居細旃廣廈間當開釣韶
而之乎蓬蒿廣莫之鄉則必爲野音而居善之也枚不
敏其又何辭

汪樸廬聖湖詩序

聖湖。淳淳。然橫于杭之城西。而春而秋。而昏而朝。丈夫。女子。儻儻。俟俟。咸嬉遊焉。躑躅焉。羣以爲美。而卒不能。言。其所以美也。樸廬先生爲詩若干。凡嘉卉。裸樹。荒祠。古亭。靡不以五字韻之。而又自趙宋以來。一典實。一故事。必縷述焉。凡聖湖之所有者。詩靡不有也。卽聖湖之業已無者。詩則未嘗無也。今而后。聖湖之美。先生言之矣。且盡之矣。惟是先生與枚同傍聖湖而生。同別聖湖而仕。當先生在家時。未始有詩。而今始追而爲之。則又未嘗不嘆人情之近則易。忽而遠則相思也。今年先生七十。有六枚亦四十。有五園田宅舍。同具白門。想重到。

兒時釣弋處相攜而送謠知復何日蒼蒼在鬢烟波在天三復斯篇如蕩舟湖中水色猶明紙上然則先生之索序于余也蓋亦越吟而使越人聽之之意也

幽光集序

人。能。詩。疇。不。欲。傳。其。詩。雖。然。有。天。焉。未。可。必。也。第。梓。而。行。之。公。之。于。天。下。而。詩。人。之。事。畢。矣。余。交。海。內。詩。人。四。十。年。其。詩。之。已。梓。者。勿。論。或。未。梓。而。其。人。存。或。雖。不。存。而。其。子。若。孫。猶。存。則。梓。之。傳。之。吾。何。容。心。焉。惟。夫。苦。吟。終。身。而。且。貧。且。賤。且。死。且。無。後。則。所。矜。矜。自。抱。者。豈。不。如。飄。風。飄。雲。之。漸。滅。哉。嘗。其。賞。一。句。之。奇。搜。一。字。之。巧。何。嘗。不。泐。棄。焉。有。指。千。秋。以。爲。期。而。一。旦。溘。然。付。諸。不。可。知。之。數。易。地。以。思。于。余。心。能。無。惛。惛。乎。使。做。帚。自。享。原。不。足。以。長。留。天。地。間。則。亦。聽。其。湮。沉。焉。宜。矣。而。往。往。不。傳。之。詩。有。高。出。于。世。所。傳。之。詩。之。上。者。則。天。之。所。以。

留。後。死。之。人。者。其。意。爲。何。也。何。休。云。古。者。男。子。六。十。無。
子。使。之。民。間。采。詩。余。今。年。正。符。此。例。因。取。平。生。所。錄。亡。
友。詩。各。加。一。傳。梓。而。行。之。取。昌。黎。幽。光。二。字。爲。其。集。名。
嗟。乎。此。集。中。者。皆。東。西。南。北。之。人。余。業。已。不。獲。過。其。鄉。
弔。其。墓。矣。而。藉。此。一。編。開。卷。宛。然。九。原。若。作。足。慰。衰。年。
懷。舊。之。思。且。使。天。下。人。得。而。讀。之。知。我。所。集。者。如。是。我。
所。未。集。者。尚。無。窮。也。則。或。有。繼。我。而。爲。採。風。者。

雨亭公子遺稿序

今年春高公子雨亭從京師寄圖來屬其弟潤亭索余題詩圖畫美少年著縑單衣坐松石上心欽遲之以爲公子貴人也而飄飄然有物外之思何超雋乃爾且長安詩人麻集誰不趨公子下風者雨亭不此之求而偏走家書千里外乞言于不肖之身何也居亡何聞宮傳有西河之戚心憂之未敢請問又月餘潤亭手一編而泣曰先兄未見所題圖已委化矣然先兄雅好吟詩曾執訊來索予詩與歸愚尚書詩今所存若干慮其零落子爲我序而存焉余讀之麗則清婉想其人深于情者也敦古處者也淡榮利者也嗟乎物必相合也而後相

思銅山鐘鳴裴賓鐵應皆以氣相感召者也雨亭之詩
余一見而愛之然則余詩之蒙雨亭之求之也亦宜昔
人云苟君雖少後事當託鍾君子羸老也半生烟墨不
獲付托于知音而翩翩公子之詩反灑老淚爲之點定
天下事寧堪測量哉然歸恐尚書先雨亭一年而歿則
此時之與雨亭地下廢歌無疑也而余猶視息人間未
知何日得遂執鞭之願悠悠千載結此心期生不過畫
上相逢死不過集中一序天使我二人之交情如斯而
已則又不如兩不相知之爲妹也悲夫

胡稚威駢體文序

文之駢卽數之偶也。而獨不近取諸身乎。頭奇數也。而眉目而手足則偶矣。而獨不遠取諸物乎。草木奇數也。而由蘗而瓣鄂則偶矣。山峙而雙峰。水分而交流。禽飛而並翼。星綴而連珠。此豈人爲之哉。古聖人以文明道而不諱修詞駢體者。修詞之尤工者也。六經濫觴。漢魏延其緒。六朝暢其流。論者先散行後駢體。似亦尊乾卑坤之義。然散行可蹈空。而駢文必徵典。駢文廢則悅學者少。爲文者多文。乃日做若夫四六者。俗名也。庚桑楚及呂覽所稱四六。非此之解。柳子稱駢四儷六。樊南稱六甲四數亦偶然語耳。沿此名文於義何當。宋人起而

矯之輕倩流轉別開蹊徑古人固而存之之義絕焉自
是格愈降調愈卑靡靡然皮傅而已雖駢其詞仍無資
於讀書文之中又唯駢體爲尤敝吾友胡稚威有意振
之得若干卷錦摘霞駁技至此乎然吾謂稚威之文雖
偶實奇何也本朝無偶之者也迎陵綺園非其偶也
今人不足取于古人偶之者玉溪生而止耳再偶則唐
四家與徐庾燕許也吾將偶之而恐未逮乃先爲之序

蕭十洲西征錄序

馬端臨志地極博然吐蕃一考不過采唐書舊語而無所發明蓋端臨以宰相子爲儒臣未嘗出塞不能見而知之而兜牟介冑之士又不能磨盾鼻以相助就使有其人而爾時南宋屯危求保一隅尚不可得何暇走荒服以外哉此輿地之學所以必詳于大一統之朝也吐蕃至本朝爲西藏來享來王最爲馴伏蕭公十洲鎮安康五年著西征一錄余讀之不徒嘉其鉤考詳密而兼嘆公之將畧獨偉出于等夷從來著書之道與治兵通治兵者號令其發凡也隊伍其體例也行止其章法也魚麗鵝鶴左孟右孟其目錄也大而至于鳥蛇龍虎

之變細而至于梁麗渠荅鈞梯井竈之微分而省之合而叅之必使部居別白而後可以克敵取勝公輯吐蕃之疆域以至物產方言靡不鱗羅包舉是豈徒矜典博以將軍而爭太史之職哉誠恐小有驛騷則按吾圖籍措而安之無難也乃公竟賣志以卒不能爲帥師之長子銘功勒石唱呼而還又不獲爲鞦韆象胥宴舌人而歌槃木得毋有未竟其才之憾乎然吾所惓惓而悲者猶不止是也每見世人著書尺許問其子孫不知卷若干者多矣獨先生子松浦能抱父書來徵吾言以信之于天下其孝足稱也而予於空山水雲間偶展卷觀覺邊笳戍鼓隱現紙上幾欲屬藁韃賦從軍一証書中之

奇。而。自。搔。白。髮。則。又。未。嘗。不。傷。其。身。之。老。而。衰。也。序。成。
投。筆。爲。向。西。長。望。者。久。之。

葉書山庶子曰下艸序

同試鴻詞科同舉京兆同登進士同入詞館者余平生
得二人焉其一爲歸思尚書其一爲書山庶子尚書以
詩名而先生以說經聞論者曰說經人多不能詩又曰
詩頌聖者難工不知詩卽經也賡歌喜起半頌聖也果
能說經而何有于詩果能頌聖而何憂其不工先生著
春秋若干卷晚年督學楚黔歸恭逢天子有謁

陵平西東兩大典先生拜手賦詩彙而顏曰曰下艸質
不過朴麗不傷雅洵足以光揚緝熙昭章元妙因念先
生與尚書俱持節俱衡文俱咏卷阿又俱子告回籍以
其道傳東南之學者文人遭際晚年益隆余齒最少官

最舉三十年來與先生宦轍乖迕通一訊不可得今忽相依石頭城下春餘夏初花欄水牕時時張飲置具婆娑文墨先生白髮飄蕭而余亦蒼蒼在髣文人遇合晚年益親然而回首玉堂彼此都如天上自今以往所以重科名而報國恩者在數行文字間乎昔也同升翺翔王路今也同歸咏歌昇平天實爲之非偶然也故承命爲序而不禁欣然奮筆焉

萬柘坡詩集跋

亡友萬柘坡遺集若干程魚門昵之陳古漁非之二人皆深于詩者也訟而質于余余欲通兩家之意特加點按集中五七古沉摯之思如窮淵泉而縋出之真古豪矣近體索索殊少真氣說者謂爲宋人所累余按宋名家絕無此種考厥濫觴始于吾鄉榦材諷說之徒專屏采色聲音鈞考隱僻以震耀流俗號爲浙派一時賢者亦附下風不知明七子貌襲盛唐而若輩乃皮傳殘宋棄魚菽而噉豨苓尤無謂也孫伯符請公路云恨不及其生時與其辨論柘坡與余總角之交九原有知必喜聞過而余亦深悔當年不早進規語致留才人未竟之

憾逝者已矣。來者未已。爲扶其瑕。以見其平生之所悞者。止于是也。而大美乃以益彰。且以嚴詩之防。而謹其所趨。否則文章公器。目論者謂竟可以好尚異也。其不然矣。

南村唱和詩跋

昔予知金陵南村西圃兩同年時來官舍蓋西圃蕪湖
人南村蕪湖宰一輩之杭渡江便至而三人者又均以
詞臣改官故相得尤懼予乞病之年爲跋其同舟唱和
詩忽忽三十年都不省記今年南村之子衍杜將板而
行之寄此卷來屬予點定予就其詩考其存歿南村亡
十五年西圃亡七年作序之寶意先生亦亡十年卷內
人無一在者而予當日同官中最少年今亦皤皤六十
翁矣杜少陵所謂老病懷舊生意可知除淚落行間外
尚何餘語惟念衍杜能存先人之詩并能寄先人數千
里外之友而使之共存其詩有子如此可謂賢矣至於

詩之清婉讀者知之無需宣揚而一篇之中往往一則曰隨園再則曰推袁想見當日交情相厚如是而亦若預知我之將爲後死之人也噫

野處堂遺稿跋

徵士綿莊程君將葬枚往助屬引之役其季南耕手一編泫然曰此先君子所述作也先君子純終領聞有踐繩之節其犖犖大者具諸名公墓表矣惟詩文之多遺副章與亡兄懼過佚前人光集僅存者將付于梓子甚文而又與亡兄同辟公府爲加墨簡端似于誼所不當辭枚受而讀之其理淳其言正幽谷之芳翠于百艸非有意先之也乃自然也嘗謂世無無本之學古所傳談遷之史常氏之經皆父學也南耕與其兄以經史分家各有纂著非先生基之者深何以有此然綿莊垂死以此編授南耕南耕年亦七十五矣耳聾目營行圈豚一

掛。幾。墮。而。猶。日。守。父。誓。欽。欽。在。抱。嗚。呼。哉。孝。也。亦。庶。幾。
古。之。爲。人。後。者。歟。

小倉山房文集卷十二

錢唐袁枚子才

篁村題壁記

壬申余北遊見良鄉題壁詩風格清美末署篁村二字
心欽遲之不知何許人和韻墨其後忽忽十餘稔兩詩
俱忘丙戌秋揚州太守勞公來誦壁間句琅琅然曰宗
發率大興時供張良鄉見店家翁方填館篁村原倡與
子詩將次就巧宗發愛之苦禁之店翁詭謝曰公命勿
巧是也第少頃制府過見之保無曠者宗發竊意制府
方公故詩人盍抄呈之探其意制府果喜曰好詩也勿
填今宗發離北路又四年兩詩之存亡未可知子感勞

公意稽首祝延之不意方公以尊官大府而愛才若是
亟錄所誦存集中夸于人道失物復得然卒不知篁村
爲何許人今已丑歲矣八月十一日飲江寧梁方伯所
客有蕭山陶君者蒼髮淵雅傾衿談甚樂不知卽篁村
也次日來又次日詩來署名曰元藻終不知卽篁村也
弟子陳古漁闖然入睇其小印曰夔陶篁村在此耶余
聞之如結解如迷釋如天上物墮適適然起舞蓋古漁
耳篁村名甚久而不知余之更先之也今夫天下大矣
方聞之士衆矣邂逅以思付諸茫昧寧料有承顏抗手
時耶旅壁殘墨黑剝無萬萬數而此五十八字偏蒙護
持又寧料知音之外更有知音耶相思垂二十年卒不

遇。既。遇。復。將。交。臂。失。又。寧。料。有。旁。人。來。無。心。叫。呼。爲。指。
而。明。之。耶。然。方。公。勞。公。俱。已。物。故。而。我。與。篁。村。幸。留。其。
身。以。相。見。則。又。安。得。不。駭。且。賀。而。終。之。以。悲。也。因。憶。平。
生。過。邗。江。寺。壁。愛。茗。生。詩。過。金。陵。書。肆。愛。東。亭。詩。二。人。
者。均。不。著。名。氏。均。訪。得。之。一。爲。蔣。君。士。銓。一。爲。董。君。潮。
永。幾。均。登。甲。科。入。翰。林。與。余。同。史。館。而。莒。生。自。西。江。移。
家。來。得。朝。夕。見。甚。狎。東。亭。則。終。不。見。且。死。矣。或。未。必。知。
余。之。拳。拳。其。相。思。也。友。朋。文。字。間。亦。有。遇。有。不。遇。而。况。
其。他。遭。際。哉。

隨園記

金陵自北門橋西行二里得小倉山。山自清涼。胚胎分
兩嶺而下。盡橋而止。蜿蜒狹長。中有清池。水曰俗號乾
河。沿河未乾時。清涼山爲南唐避暑所。盛可想也。凡稱
金陵之勝者。南曰雨花臺。西南曰莫愁湖。北曰鍾山東
曰冶城。東北曰孝陵。曰雞鳴寺。登小倉山。諸景隆然上
浮。凡江湖之大。雲煙之變。非山之所有者。皆山之所有
也。康熙時。織造隋公當山之北巔。構堂皇。繪垣。矚樹之
菽。千章桂。千畦。都人游者。翕然盛。一時號曰隋園。因其
姓也。後三十年。余宰江寧。園傾且頽。弛其室。爲酒肆。輿
臺。嚙肉。烏。厭之。不肯。姬。伏。百。卉。蕪。謝。春。風。不。能。花。余

惻然而悲問其值曰三百金購以月俸茨牆剪闥易簷
改塗隨其高爲置江樓隨其下爲置溪亭隨其爽澗爲
之橋隨其湍流爲之舟隨其地之隆中而欹側也爲綴
峰岫隨其蒼鬱而曠也爲設宦窳或扶而起之或擠而
止之皆隨其豐殺繁瘠就勢取景而莫之天闕者故仍
名曰隨園同其音易其義落成歎曰使吾官于此則月
一至焉使吾居于此則日日至焉二者不可得兼舍官
而取園者也遂乞病率弟香亭甥澗君移書史居隨園
聞之蘇子曰君子不必仕不必不仕然則余之仕與不
仕與居茲園之久與不久亦隨之而已夫兩物之能相
易者其一物之足以勝之也余竟以一官易此園園之

奇。可。以。見。矣。已。已。三。月。記。

隨園後記

余居隨園三年。捧檄入陝。歲未周。仍賦歸來。所植花皆
萎瓦斜墮。梅灰脫于梁。勢不能無改作。則率夫役。芟石
留覘土脉。增高明之麗治之。有年費千金。而功不竟。客
或曰。以子之費。易子之居。胡華屋之勿獲。而俯順荒餘。
何耶。余答之曰。夫物雖佳。不手致者。不愛也。味雖美。不
親嘗者。不甘也。子不見高陽池館。蘭亭梓澤乎。蒼然古
蹟。憑弔生悲。覺與吾之精神不相屬者。何也。其中無我
故也。公卿富豪。未始不召梓人營池園。程巧致功。千力
萬氣。落成主人張目受賀而已。問某樹某名。而不知也。
何也。其中亦未嘗有我故也。惟夫文士之一水一石。一

亭一臺皆得之于好學深思之餘有得則謀不善則改其時如養民其刈如除惡其創建似開府其浚渠贊山如區土宇版章然而識之神而明之惜費故無妄作獨斷故有定謀及其成功也不特便于已快于意而吾度材之功苦搆思之巧拙皆于是徵焉今園之功雖未成園之費雖不貲然或缺而待周或損而待修固未嘗有迫以期之者也孰若余昔年之腰笏磬折里黽喧呶乎伐惡草剪虬枝惟吾所爲未嘗有制而掣肘者也孰若余昔時之仰息崇幃請命大胥者乎五代時僭擅利宴宣德堂歎曰作者不居居者不作余今年裁三十八入山志定作之居之或未可量也乃歌以矢之曰前年離

園人勞闢荒。今年來園花。密人康。我不離園離之者。官
而今改過。永矢勿諉。癸酉七月記。

隨園三記

園林之道與學問通藏焉修焉不增高而繼長者荒于嬉也息焉遊焉不日盛而月新者狃于便也然警者爲之徒鉤鈇析亂而已吾固不然爲之勤遊之勤恆若有所思念計畫以故登登陘陘耳無絕音雖然學之不足精進可也園之不足則必傷于財而累于廉烏乎可繼乃恍然曰人之無所棄者業之無所成也西不盡流沙南不盡衡山此非疆宇之有所棄乎夔典樂則棄禮孔子執御則棄射此非學術之有所棄乎天且不全故世爲屋不成三瓦而陳之孟子亦曰人有不爲也而後可以有爲吾于園則然棄其南一樣不施讓雲煙居爲吾

養空遊所。棄其寢。侈剝不治。俾妻孥居爲吾閉目遊所。山起伏不可以墻。吾露積不垣。如道州城。蒙賊哀憐而已。地隆陷不可以堂。吾平水置槩。如史公書旁行斜上而已。人壽不如屋。吾穿漏。液滿。菜廬。小子狙猿之杙。如管晏法。期于沒身而已。不筮日不用形家言。而築毀如意。變隙地爲水爲竹。而人不知其不能屋。疏牕而高基。納遠景。而人疑其無所窮。以短護長。以疎彰密。以豫畜材。爲富以足其食。徐其兆而不趨。爲犒工而恤夫。使吾力常沛然有餘。而吾心且相引而不盡。此治園法也。亦學問道也。丁丑三月記。

隨園四記

人之欲。惟目無窮耳。耶鼻耶口耶。其欲皆易窮也。目仰而觀。俯而窺。盡天地之藏。其足以窮之耶。然而古之聖人。受之以觀。必受之以良。良者止也。於止。知其所止。黃鳥且然而況于人。人罔悅目者也。亦藏身者也。人壽百年。悅吾目。不離乎四時者。是藏吾身。不離乎行坐者。是今視吾園。奧如環。如一房。畢復一房。生襍以鏡光。晶瑩澄澈。迷乎往復。若是者。于行宜。其左琴其上。書其中。多尊疊玉。石簷橫陳。數十重。對之時。倏然以遠。若是者。于坐宜。高樓障西。清流洄洑。竹萬竿如綠。海惟蘊隆。宛暘之勿虞。若是者。與夏宜。琉璃嵌牕。自有雪而坐。無風。若是

者與冬宜梅百枝桂十餘叢月來影明風來香聞若是者與春秋宜長廊相續雷電以風不能止吾之足若是者與風雨宜是數宜者得其一差強人意而况其兼者耶余得園時初意亦不及此二十年來庸次比偶艾殺此地棄者如彼成者如此既鎮其數矣夫何加焉年且就衰以農易仕彈琴其中咏先王之風是亦不可以已乎後雖有作者不過酒清之事丹墀之飾可必其無所更也宜爲文紀成功而分疏名目以效輞川云丙戌三月記

隨園五記

志。餘。於。才。則。樂。才。餘。於。志。則。不。樂。吾。志。願。有。限。而。所。詣。每。過。所。期。自。分。官。職。得。郡。文。學。已。足。而。竟。知。大。邦。家。計。得。十。具。牛。已。足。而。竟。擁。百。畝。園。得。一。椽。已。足。而。竟。四。記。之。疏。名。目。而。分。詠。之。私。揣。余。懷。過。矣。哉。不。意。數。年。來。過。之。中。又。有。過。焉。余。離。西。湖。三。十。年。不。能。無。首。邱。之。思。每。治。園。戲。傲。其。意。爲。隄。爲。井。爲。裡。外。湖。爲。花。港。爲。六。橋。爲。南。峯。北。峯。當。營。構。時。未。嘗。不。自。計。曰。以。人。功。而。傲。天。造。其。難。成。乎。縱。幾。於。成。其。果。吾。力。之。能。支。吾。年。之。能。永。否。今。年。幸。而。皆。底。於。成。嘻。使。吾。居。故。鄉。必。不。能。終。日。離。其。家。以。遊。於。湖。也。而。茲。乃。居。家。如。居。湖。居。他。鄉。如。故。鄉。驟。

思之若甚幸焉徐思之又若過貪焉然讀易賁之六五
曰賁於邱園束帛芟芟吝終吉輔嗣註云施飾于物其
道害也施飾邱園吉莫大焉謂邱園草木所生本質素
之處故雖加束帛雖吝而終吉左氏曰樂操土風不忘
本也余雖貧不知止而能合於易以操土風或免於君
子之譏乎彼世之飾朱門塗白盛者或爲而不居居而
不久而余二十年來朝斯夕斯不特亭臺之事生生不
窮卽所手植樹親見其萌芽拱把以至于蔽牛而參天
如子孫然從乳哺而長成而壯而斑白竟一一見之皆
人生志願之所不及者也何其幸也雖然草木如是吾
亦可知吾既可知則此後有不可知者在矣戊子三月

記

卷之三

三

隨園六記

嘗讀晉書太保王祥有歸葬隨葬兩議方知隨之時義不止嚮晦入宴息而已也。余先君子卒於江寧欲歸葬古杭慮與機之艱不果欲隨葬茲土又苦無誓宅所以故將半允豫慢葬者十有七年思古人未葬不除服之義惘然自以爲非人今年春有形家來謀園西爲兆域者余聞往視則小倉山來豚平遠夷曠左右有楓隴岸厓草樹窺擊封以爲塋宰如也因思子有地廿年不知一旦而知母亦先君子之靈有以詔我乎遂請于太夫人以己丑十二月十六日扶柩窆焉塋離園僅百步以故牆翼安穩得時時除其艸灌其宰樹審諦其墓石子

故貧士幼時先君子幕遊楚粵余遊學京師父子常相
離也今以一園之故而先君子厝於斯祭於斯奠幽宮
于斯父子蓋未嘗一日相離是豈強而爲之哉亦隨其
地之便心之安而已塋旁隙地曠如余倣司空表聖故
事爲已生壙將植梅花樹松與門生故人詩飲其中若
是者何子隨父也壙界爲二俾異日夾溝可度若是者
何妾隨夫也壙尾留斬板者又數處若是者何妾隨妻
也沿塋而西有高嶺罕行而長凡僦從扈養婢嫗之亡
者聚而瘞焉若是者何僕隨主也嗟乎古人以廬墓爲
孝生壙爲達瘞狗馬爲仁余以一園之故管三善而名
焉誠古今來闕局之一變而隨之時義通乎死生晝夜

推。恩。錫。類。則。亦。可。謂。大。矣。備。矣。盡。之。矣。今。而。後。其。將。無。
記。則。尤。不。可。不。記。也。庚寅五月記

陶氏義莊碑記

古立大宗以餘財歸之有不足者資之於宗後世廢宗
法遂有一族而異日相視者然漢之樊重魏之楊椿均
能散所有濟族人數世之窮第未嘗扁表其莊綽楔而
書蓋行其心之所安而不以爲義也范文正公修其法
號曰義莊公之心豈以義自居哉以爲仁事也而義名
之然後使吾子孫知如是則義悖是則不義方克踵行
勿倦與吾意相終始而天下之大人之心之同必有慕義
無窮而奮乎千百世後者潯陽陶氏之遷於吳也距文
正公六百年矣族落落大滿不能無窶人子徵仕郎世
魁聞范氏之風而悅之其子員外篠尊父志以繼先賢

割沃畝置莊鳩厥宗支振廩同食月會而旬計之吳之人以爲今之陶昔之范也今夫江河之大綿亘萬里而世不能無斷港絕潢者非其本支故也若夫岷山之旁流崑崙之餘波而淤塞就枯焉人能無憾於江河乎惟其能以九里之潤灌溉百川而江河乃愈增其大然則陶氏之以仁爲富也乃其善於持富也傳曰尊祖故敬宗敬宗故收族易曰何以聚人曰財聚卽收之之謂也天下人非財不收而况於本族乎余與篠之子振聲戊午同試京兆別二十二年相見吳下持此顛末屬余爲記余喜故人重逢遠聞高義而又私念袁氏族黨零落難收匪徒力有所讓蓋亦自傷其聞之之晚焉

戊子中秋記遊

佳節也。勝境也。四方之名流也。三者合，非偶然也。以不
偶然之事而偶然得之樂也。樂過而慮其忘，則必假文
字以存之。古之人皆然。乾隆戊子中秋，姑蘇唐眉岑輩
其兒主，隨園數烹雉之能于烝瓊首也。尤且曰：茲物難
獨噉，就辦治。顧安得客？余曰：姑置具，客來當有不速者
已。而涇邑翟進士雲九至，亡何真州尤貢父至，又頃之
南郊陳古漁至，日猶未昃。眉岑曰：予四人皆他鄉未攬
金陵勝，盍小遊乎？三人者喜，納履起趨趨，以數而不知
眉岑之欲飢客以柔其口也。從園南穿籬出，至小龍窩
雙峯夾長溪，桃麻鋪芬一漁者來，道客登大倉山見西

南角爛銀盆湧曰此江也江中帆檣如月中桂影不可
辨沿山而東至蝦蟆石高壤穹然金陵全局下浮曰謝
公墩也余久居金陵屢見人指墩處皆不若茲之曠且
周竊念墩不過土一坏耳能使公有遺世想必此是耶
就使非是而公九原有靈亦必不捨此而之他也從蛾
眉嶺登永慶寺亭則日已落蒼烟四生望隨園樓臺如
障輕容紗參錯掩映又如取鏡照影自喜其美方知不
從其外觀之竟不知居其中者之若何樂也還園月大
明羹定酒良甌首如泥容皆甘而不能絕于口以醉席
間各分八題以記屬子嘯余過來五十三中秋矣幼時
不能記長大後無可記今以一甌首故得與羣賢披烟

雲。辨。古。蹟。遂。歷。歷。然。若。真。可。記。者。然。則。人。生。百。年。無。幾。
不。逢。節。無。境。不。逢。人。而。其。間。可。記。者。幾。何。也。余。又。以。是。
執。筆。而。悲。也。

西磧山莊記

江橙里先生得西磧山莊之次年賦詩八章走幣索予
爲記。余告之曰：凡遊其地而不能忘者，心記之，勝于筆
記之也。予遊山莊一稔矣，愛其形勝之奇，天施地設，非
人所爲，故常置諸心。曰：微子之請，方將書，梗槩當以遊
而况受主人誦諉耶？莊在吳門鄧尉之西，舊號逸園，離
城七十里，極躡胥熊稟之饒，入其門，古梅鋪棊，芳樹翳
蔚，曲澗巉巖環廬，而呈所扁表者，有清暉閣，有九峰草
廬，有釣雪槎，有鷗外春沙館，凡十餘處，皆各極其勝，而
騰壘臺爲尤奇。臺袤夷畝許，西磧山從背起，接天蒼蒼
然而臨太湖三萬六千頃之烟波，浮鴻臺下，余遊時適

主人程君外出相傳園已售揚州江氏俄而有持蘊火
來置竈者詢之果江氏家僮子素知程故高士能詩聞
其棄園而駭及聞橙里得之復媵媵然喜蓋橙里之才
且賢猶夫程君而與予交尤狎于程君故也因思古者
楊。憑。之。宅。白。傳。居。之。蕭。復。之。園。王。縉。居。之。天。于。幽。渺。質。
絕。之。境。往。往。鄭。重。愛。惜。必。畀。諸。克。稱。此。居。之。人。轉。不。若。
朱。門。華。堂。之。濫。施。而。無。所。于。靳。也。雖。然。學。問。之。道。無。窮。
園。亦。然。程。君。治。園。之。力。盡。矣。故。棄。園。橙。里。之。力。有。餘。故。
得。園。然。則。增。榮。益。觀。又。安。知。非。天。之。爲。園。計。而。故。乃。捨。
舊。而。新。是。謀。耶。經。之。營。之。似。亦。橙。里。所。不。宜。得。已。園。中。
亭。榭。無。可。改。更。惟。臺。旁。少。屋。天。風。清。寒。客。難。久。留。得。構。

數椽其間觀魚龍出沒與縹緲莫釐二峯朝夕拱揖豈
非置身天際哉苟此室成予雖衰所不百舍重趼而再
至者有如此水

小倉山房文集卷十三

錢唐袁枚子才

安徽布政司新解題名記

代許公作

凡。事。之。最。始。者。古。今。人。之。所。屬。目。者。也。卽。其。官。非。始。建。之。官。而。官。所。駐。劄。之。地。自。某。人。始。則。後。之。人。必。將。考。其。姓。名。以。矩。其。行。事。本。朝。分。安。徽。江。蘇。爲。上。下。江。省。安。徽。布。政。使。司。駐。劄。江。寧。由。來。舊。矣。乾。隆。二。十。五。年。

皇。上。命。增。設。江。寧。布。政。司。一。員。歸。安。徽。布。政。司。于。安。慶。縣。者。分。之。遠。者。近。之。所。以。廣。治。化。專。事。權。也。而。松。佶。適。爲。始。駐。安。徽。之。布。政。使。司。除。簿。領。外。一。切。草。創。因。太。守。舊。署。而。爲。署。庫。先。馮。次。堂。皇。次。賓。館。次。燕。寢。署。之。東。因。

司馬舊園而爲園栽竹木置亭增岑樓焉登可見龍山
工旣成將題石陷壁而不禁悚然曰凡治事者遙而度
之不若近而按之之切也專而謀之不若聚而成之之
善也今有客遊而理家者雖聰強廉察十中八九而無
如身爲寓公終懸揣焉一旦歸家則瓶罍益燦若列
眉然其旁或無尊長之誨示兄弟子姓之贊助或雖有
之而非其同居共休戚者則事難就亦未必盡善安
徽布政使司之駐江寧此客居而治家者也其所接將
軍司道府佐州縣是尊長兄弟子姓之不同居不共休
戚者也天子知之故以安徽官還安徽又使日隣近
其中丞觀察使府佐州縣咨諏詢度以治安徽之百姓

此于爲政順之至者也。欲不治也得乎。雖然彈裂者改弦而更張之必其聲之和于前而後不負所以改弦之意。元沐置十三行中書省于諸路添設平章明代改爲布政司蓋卽所謂使相者是也。以甚尊之職而又裒然爲開府之首其將何以副之必也。如工居肆如尉運臂使改歸之效確然可指而後此心卽安否則其在近也又何異其在遠也。後來之君子當思此言。

醉嘯軒記

醉而嘯。醉宜嘯。而醉嘯宜環流于二者之間。庶幾古達者也。功園主人作醉嘯軒。華不秣。雕鏤樸不虞陀侈竒。而幽袤廣悉稱。既成。凡夫貌執者。傾衿者。繪者。弈者。韻絃索者。投莞格五者。靡不膺至能。醉則醉。能嘯則嘯。主人亦聽客之所為。辛卯冬。予過蘇州。主人為軒索記。為記。飲余。余不能飲。何以醉。不能歌。何以嘯。不醉。不嘯。又何以記。軒然。夫醉與嘯之義。有一二聞于師者。按嘯旨十五章曰。疋曰叱。其法今絕矣。惟醉人如雲。法似不絕。然而心醉六經者少。則猶之乎絕也。吾願遊是軒者。能酣典墳。則醒亦醉。能和心聲。則嘿亦嘯。若夫瞽瞍然醉。

而已矣。嗷嗷然嘯而已矣。殆非主人意耶。謂余不信。請質之軒。

馬骨記

丙戌夏五門人陳熙將遠行予止而觴之酒行門外人
聲嗷嗷闕者手一物入曰皖人畜馬馬負鹽車死剖之
腦有骨若山峰殺然黃一市爭傳觀無能名聞隨園主
人能博古故來問訊予諦視亦瞠也謝之去居亡何陳
生麥戶入曰昨閱拾遺記載馬首有骨白者日行千里
黃者日行八百里前所見馬骨黃其生時殆八百里馬
乎予聞而嘆曰斯古所謂骨法應相者是也今王侯上
廐其莖香其披錦障者寧得有應相馬乎然而皖人竟
有之矣有之而不能知屈馬以死死而不能知載骨以
訪訪而終不能知棄骨以去嗚呼天下之不遇孰有如

茲馬者乎。雖然彼野人也。馬死則已耳。不野瑾之而遠
詢數百里。外子于拾遺記頗檢校而臨事輒忘。陳生非
有意檢書而忽于此數日間爲死馬得當以報然後知
天之生才若隱若現。若不遇若遇。若有意若無意。于淹
沉已極。計無所復之中而又必使其身分畧一表明。嘻
其憐馬耶。其示人耶。

史公張秋治河記

乾隆十六年夏六月二十八日黃河決豫州自陽武建
瓴而下出延津逾長垣東明達齊魯壽張東阿等郡川
壑來滙如馬逸不止秋七月二十日水穿張秋之掛劍
臺而東由大清河入海當衝者城不沒三版民怔忡無
措號泣者相環諸河官色變而言隗或請塞掛劍臺口
或請捐麥田下疏其流或請貸百姓金聽自遷竟沂道
史公抑堂止之下令日築南北隄二百丈毋稍違緩成
水不左右衝民稍安公乃上書總河顧公曰掛劍口已
爲江河矣黃流稽天隄根茫茫將焉置土石欲挑濬者
此刷彼淤畚鍤無所施夫上源不斷徒急下流是屋梁

之崩而輔以數代之支不。缺。則。收。爲。今。計。宜。聯。豫。東。兩。省。爲。一。局。急。塞。陽。武。咽喉。既。斷。流。乃。從。事。于。東。東。所。漫。處。宜。棄。故。瀆。開。新。河。易。西。岸。爲。東。岸。旁。築。兩。隄。如。翼。東。而。張。之。增。二。壩。過。水。北。行。如。此。則。河。力。漸。退。功。可。成。有。他。變。某。請。身。當。之。書。上。當。事。者。壯。公。言。報。曰。可。公。乃。駐。節。河。上。轉。巨。石。仆。火。木。審。形。司。馬。別。駕。行。飭。料。丞。若。尉。行。冬。十。一。月。十。一。日。塞。陽。武。口。十。二。月。朔。黃。流。絕。坡。河。積。水。消。再。四。日。告。成。清。流。如。鏡。水。波。不。揚。萬。姓。曲。踊。百。貨。魚。貫。費。帑。一。萬。有。奇。是。役。也。微。史。公。幾。殆。袁。救。自。陝。歸。泊。濟。寧。公。以。其。狀。來。曰。夫。河。決。無。期。而。算。須。有。定。余。豈。矜。而。自。功。耀。後。人。哉。然。通。變。之。用。多。所。參。證。則。詳。而。

益○明○昔○趙○充○國○屯○川○于○邊○封○上○文○書○曰○須○爲○後○法○余○慕○
古○人○之○用○心○需○子○之○筆○墨○將○使○後○之○治○河○者○有○所○考○也○
枚○曰○諾○遂○紀○其○實○于○碑○

俞氏義塚碑記

周禮蜡氏掌除愆有死于道路者埋而置楬焉又族師十家爲聯五人爲伍使相葬埋古制民之產名山大川廣谷無禁地公地也恣民之所使之敬送死無憾今任土之法廢矣尺寸皆民私也流離之氓天爲鳧歿橋死於中野橫陳而已誰能無殘虐士而損所有以仁其類乎丙子歲江南游飢札瘥天昏羈鬼相望捐瘠者焚如者漂溺者蠅蚋之所始噉者屬于道俞子曉園以爲大戚施觀千餘地百畝聚遺骸而掩諸幽望之巋然高下不及泉上不泄臭囊而臨如旅人成羣得安宅焉鄉里感之有司諡之朝廷旌之曉園亦仁矣哉曉園又來曰

余新安人也。買遷江寧。去住無恆。弗告。茲舉於邑。長慮有奪其界者。是爲善不竟也。請牒地若干。輸于官。立精文善法。俾傳永永無極。吁。曉園非獨仁。其智且足用也。余考春秋晉鄭之間。有隙地曰玉暢。頃邱。出戈錫。子產與宋人盟曰。勿有是及。子產卒。宋人取錫。遂尋干戈。又周禮墓大夫。率其屬而巡墓。厲古人之于地界。或盟或巡。猶有爭者。矧茲荒兆。難徵于鬼。非曉園意思深長。他日者。且溷且紊。且侵削。且銚萊。雜下窺。伏陵竊。爲枯骨崇矣。欲世世萬子孫。毋變宜。詳區界。而勒諸石。凡核得塚長一百七十六弓。二尺寬一百三十四弓。其存爲捨。觀費者。中有熟地。虛舍。按年收子利四十餘緡。

江寧府題名碑記

代附公作

守。官。如。守。舍。然。前。此。居。者。不。知。幾。何。矣。後。此。居。者。不。知。幾。何。矣。其。後。此。居。者。不。可。得。而。知。也。其。前。此。居。者。則。遮。遮。屏。列。如。表。之。示。曰。鼓。之。語。耳。孔。子。曰。三。人。行。必。有。我。師。焉。善。與。不。善。疇。非。吾。師。此。古。人。官。解。題。名。之。所。山。昉。也。江。寧。攝。七。縣。冠。九。府。州。于。古。爲。赤。紫。畿。望。之。全。我。朝。聖。人。御。世。百。四。十。年。勤。民。恤。功。尤。重。二。千。石。之。選。課。最。者。擢。之。擢。度。者。黜。之。久。俸。者。召。見。之。吏。治。蒸。蒸。光。于。古。矣。予。量。移。來。淮。眠。其。恨。之。華。離。俗。之。康。艾。常。瑁。瑁。在。抱。慮。蹈。詩。人。胡。顏。之。譏。欲。景。前。躅。以。自。範。而。舊。無。名。籍。文。獻。缺。然。竊。不。自。揆。謹。考。順。治。元。年。以。來。得。四。十。五。人。

書其姓氏爲之扁表嗟乎此四十五人者或久或暫或
賢或否或騰而遷或墜而顛迹雖不同而要皆懷印與
絀臨民帥吏先余而居此者也卽其在位之歲時以考
其政治之得失思齊乎自省乎目及之而欽耳聞之而
警豈徒作區區之甲乙簿同官錄觀哉昔尹鐸尹晉陽
委上以爲師保魯共王畫先賢于壁以自勉二人有心
先我而得後來之君子將有慙于斯舉亦將有感于斯

言

漁隱小圃記

吾宗有賢曰漁洲居士居士有園曰漁隱小圃在楓橋之西袤廣百弓客之往來於吳會者可以泛杭而至去年予初遊日見有所謂無隱山房者傲山谷答長老之旨植桂甚繁足止軒者僅容二人膝語甚奧燕眺堂者長屨重襟可以張飲會賓甚恢宏列岫樓者遮迤穹隆靈岩諸峯甚曠其他館曰鳥催閣曰來鐘亭曰小衡山池曰戲荷率皆田峯紆流有厓屨晃漾之觀漁洲告予曰此外舅盤溪王氏之故居也沈文愨公與一時名流賦詩于此石刻尚存予聞之憮然蓋盤溪與予交文愨與予同年二人存時予尚不知有此園也夫世之以園

傳子孫者多矣。不逾時。遭其毀棄。當時賓從。或倅駟於
頽垣。敗瓦間。漁洲不獨能爲盤溪之園。增榮益觀。兼能
使盤溪之故人。補其從前未到之憾。此其才且賢爲何
如。君子嘉夫園也。尤嘉夫居是園者也。惜予識盤溪晚
識漁洲。更晚不獲與石上諸賢同時賦詩。又遠隔白門。
未能屢至。心殊拳拳。然而園公地也。亦私舍也。夫已氏
得之孰若吾友。得之吾友。得之孰若吾宗。得之毛詩曰。
豈無他人。不如我同姓。烟雲有知。必當相昵。文其顛末。
非我而誰宜。漁洲作記之請嚴乎。如有急色耶。

記句容叟

舟過燕子磯泊古寺有叟訓數僧貌臞而古鬚髮墮落
高吟所作詩齒缺不能音揖而問之曰叟其有道者歟
曰余非有道者累於道者也詢其姓曰趙句容人母孕
之卽不茹葷九歲齒決肉嘔遂絕之誓不娶年十九母
亡慕茅山三洞爲神仙居絕欲得之仡然從三人而行
裝糧趨洞所洞冥然黑人倒卧作蛇行以進叟先入墮
水幸淺無所傷二人者秉燭繼之蝙蝠啞啞萬數如大
片黑雲來撲火火滅其一毒虺長三四尺狂走有聲三
人皆畏聯衣帶行山根觸頂礙眉石乳雨下訖不得住
又五六里得坦穴聞鐘磬鳴大喜奔之石罅水所爲望

如黑海昏霧杳。蕤波浪大作不可窮也。鐙盡滅且飢爲是。悛而止從原徑。返行且卧迷無所復聞人聲如天外呼者。則三人之戚友具麥飯紙錢號於洞口也。牽以繩三人同上見青天如得故物人間已三晝夜矣。叟歸學茹氣呼噏法于三人中最爲長年卒衰廢與他老人同無所名一錢乃教小僧勺食飲以卒日自悔空然慕道幾死穴中嗣後有搯擊而道神仙者以爲妄言非矣。

江寧訓導廳壁記

校官官最卑俸最薄應廨最庫陋其長如是其貳可知
江寧訓導署有廳三楹爲前明祠周忠節公所來官此
者率饋壺脩集賓僚于其間非樂神人之禱居也姑舍
是而無以爲居也曹君菽衣蒞茲未久邑之人興修學
宮改祠周公子明德堂之右于是三楹廓然始爲君所
有君庀治之平其斂陷增其棗棧於漿酒掃歷書前人
姓氏而屬余爲記鐫兩石陷之壁間余按老子云與物
且者其身不容言君子不可與物爲苟且也是以叔孫
昭子所到雖一日必葺其墻屋曹君本名家子結髮束
修儻然思有所建立使周祠不遷吾知君必佻期養力

別創禮堂以與諸生講習而况事與時偕先賢如有意以讓之哉雖然力不足而強爲者殆身不勉而旁求者勞校官所入甚微倘物土何溝陳之無藝則功必難就又或出位越思求助于人人必掉罄之捉搦之功亦未必就曹君旣不肯薄其官視如傳舍而又未嘗旁呼將伯以僱其廉卒之室苟完而道大適此一役也于以見天下無不可新之地無不可勉之官後之坐是廳者俱當健其決而賢其志也廳之前有榆甚古有竹甚冗有栢有柳甚稚有池甚窪濼將次第葺之各因其質以成其美則教士之法亦于是乎觀

江安糧道題名碑記

代陶公作

題名始于漢光祿四年而官廩題名厥惟唐始予守江寧仿唐人故事考前人姓氏而書之旋蒙天子恩擢江安糧道之職循例以書曷敢以後按國初劄授副使一員攝全省糧務順治五年改設糧道轄江安徽寧滁和等十府四州自後或裁或置或兼分巡或專督運或添設庫大使或運快並僉雖時時小更而要之擇米慎察吏廉督漕勤僉丁公四者具則監司之職盡焉唐劉晏爲轉運使見一水不通思荷鍤而先行見一粒不運思負米而先登有味乎其言實獲我心矣雖然邇伯侯牧民事紛如供職大難糧道則漕糧一端而已中才循

循僉能催程趨限。輦粟京師。本朝四十三官。鮮以不職。聞就其中。只周櫟園王樓山二公。聲稱隆隆。考其敷施。了無他異。可知人能重官。官不能重人。嗟乎。誰無名姓。能使後之人。俛指及之。而愾然若有所慕。此其故。豈在出身爵里之間乎。然非出身爵里。則其人亦莫得而詳也。合備書于左。